

秋

佳

軒

詩

餘

穉佳軒詩餘敘

甲戌南宮之役予之知

月槎以某文也撤闈後

月槎以詩示予予所心

賞不獨嘆其文也既而

嘆詞示予予所心賞又

不獨嘆其詩也月梳真

異人也哉蓋秣陵山水

比之吾羣尤佳牛晉葵
磯無論凡一寓目風壤
清和景物明秀堪以位
置筆端者應接不暇月

槎孕靄杼藻繪性披情

發而爲辭先後罕儷當

夫山川風月相狎相資

他人所爲擢髓嘔腸攢

睂擁被窮歲月而成者
月槎得之俄頃間長調
如溟渤匯衆流運行汨
汨小令如織阿逗曲沼

獨照英英月槎自成月
槎何又方之古人卽方
之亦何多讓一語之豔
令人魂絕一字之工令

人色飛子野之雲破月
來子京之杏枝春開不
是過也成竹在胸揮毫
直遂高談雄辯旁若無

人東坡之大江東去幼
安之疊嶂西馳不是過
也情浚欲語我見猶憐
勻染無心須臾百媚美

成之楊柳梢頭者卿之
曉風殘月不是過也花
外放歌偏饒興會尊前
圖景巧奪丹青文子之

梁間燕話春愁勝欲之
穠太淡添絃索不是過
也月槎真異人也哉我

明以詞名家者劉誠意穠

纖有致去宋尚隔一塵
楊用脩好入六朝麗事
似近而遠夏文愍最號
雄爽比辛詞覺少精思

予於月槎無間然矣
答
万俟雅言精於音律自

號詞隱山谷稱之爲一

代詞人黃玉林云雅言

發妙音於律呂之中運
巧思於斧鑿之外蓋詞
之聖也然則月槎其一
代詞人乎抑詞之聖乎

吾無嘆名之展玩茲編
畱連歎賞然豈終無嘆
名之亦曰絕妙好辭而
已

崇禎乙亥穰日吳郡友
人文震孟題於燕臺

邸中

秋佳軒詩餘序

予於月槎先生聞聲相思

二十年矣頃持

至建武始獲把臂挹其清

粹稟其勁楷器思方格毳
然弗可幾也使事甫竣驅
車遄發方恨傾倒於月槎
者未至已予門人黃司李

捧手授一編則月槎所著

詩餘也司李將月槎命屬

予序之曩予所諷習者月

槎制舉義卽詩若古文辭

曾未貫佩譬諸玉海千尋
此其一勺耳而謂是編也

足以窺映津涉則吾豈敢
然月槎器思方格未嘗不

可畢睹也填詞家太率工
爲纖冶靡嫚自詭雕章間
出逸態橫生逋峭風流蓋
可知矣月榭獨以矜廉潔

清之懷發其歷落蕭散之

思跨凌阡陌蟬脫畦徑奇

絕異語往往而有鍾嶸評

劉公幹壯氣愛奇動多振

絕陽休之序陶淵明放逸
之致栖託仍高舉似月槎
庶幾有當乎彼夫巧累於
理旣巧不可階質傷於野

亦質不宜慕有如高俊之
才絕去雕潤淹華之槩不
入寒澁借古申今罕云牽
引感物造端不煩綴緝是

爲難及耳或當山高水清
月明風動雁初鶯早葉落
花開攜月槎是編抑揚吟
咏於以領會機賞感盪心

靈殆所謂先生移我情者
耶繇是進而求月槎之詩

若古文辭雖杼軸一心而

堂奧深遠抑豈管闕筐舉

所能測量哉

辛巳秋杪吳趨友第徐汧

題於王山公署



序

蘇子瞻喜和淵明詩弟子繇稱
其精深華妙與淵明比今讀其
和篇只子瞻本色語耳非不能
肖正不必肖也雷威作琴不必

皆桐遇大風雪獨往峨眉睂酣飲
着莎笠入深松中聽其聲連延
悠颺者伐之斲以爲琴乃過於
桐一氣之所旁魄安在松之質
無桐之聲然必雷威乃能發其

妙以傳於世有先聲而操其合
者也填詞家何獨不然余同社
月槎先生居三山二水間博學
著書好讀余鄉先進稼軒長短
句已卯歲與余共事天雄政暇

登晚香堂詠韓稚圭老圃秋容
之句每留連企羨不能已已維
時籬英初綻觴咏相酬余呂詩
先生獨以其詞然止窺一斑嘗
寸嚮也尋先生以備戎豫章行

始出全帙以授余讀而大快曰
此非月槎之詞乃稼軒之詞也
已良久則曰何其淺視月槎歟
言之自稼軒者稼軒而後陳矣
月槎烏乎肖之抑月槎所自得

者不必其肖稼軒亦復安能不
肖稼軒殆雷威之琴有先聲而
操其合者歟雖然長短句五百
六十八闋大都以豪爽見長若
夫柔宛緜麗一往情深綺語新

聲鶯鳴百轉金荃遜美蘭畹輸
香月槎似軼稼軒而上之安得
謂月槎所得與稼軒同也楊升
菴有言詞雖小技非胸有萬卷
筆無一塵者未能臻其妙馬浩

瀾著花影集四十餘年僅得百
篇詞果易言哉茲集點次甫畢
約一千一百八十餘首不可謂
不多矣客曰當有評也余曰我
不解譽月槎亦正不須譽余與

月槎其濯魄於冰壺知其冷行
花陣中知其香然月槎不能語
我猶我不能語月槎也於戲至
矣抑更有進焉稼軒紹興末屢
立戰功作九議暨美芹十論上

之皆中時務方今 騎滋驕月
槎行且豎無前偉伐炳

朝宁而靖邊圉當不在稼軒下
然則稼軒詎徒以詞見者哉夫
月槎詎徒以詞見者哉

庚辰夏日濮水社弟南洙源謹
述於天雄之晚香堂

秋佳軒詩餘目錄

卷一

沁園春

卽事

送友人南還

詠竹

冶城卜築

春遊

釋悶

園林漫興

苦雨

上元

詠十四樓

與友人酌

幽居

上元舟次

景韓堂自壽

過陶靖節故里

詠晚香堂

賀新郎

春暮

春日

閒情二首

社集

春暮

曉窻內聞新篁露瀝

送友人之令

秋日山中

送別

六友詞

雲松巢

風流子

荒庭

一萼紅

小籬

落花

綠頭鴨

山中

旅懷

舟中

兩峰

春從天上來

來日立夏

春雲怨

紅葉

鳳凰臺上憶吹簫

雪行

中秋

九日

野外

送別

平疇

卽事

抵里

署中

送別

送春

金菊對芙蓉

途塵

卷三

水調歌頭

讀陶詩拈句爲賦得三十首

良鄉道上望西山雪

望西山雪有感

九日晚香堂有懷

除夕

東岑

吾齋

閒情二首

詠竹

客況

登山

試茗

浮蹤

寓燕人日

一枝花

秋日山中

看雲

高陽臺

旅懷二首

夜飛鵲

清明次俞光祿容自

玉蝴蝶

懷菊

東風齊着力

泊蕪湖

滿庭芳

春景次少游韻

沅陵道上

八聲甘州

江行

漢宮春

道上有懷

詠梅

雨中花慢

夏日

木蘭花

北行逢竹

石州慢

壽友人

秋日途次

壺中天

俞光祿容自自壽詞見遺依韻和祝四

首

冶城山房卽事

卷四

念奴嬌

讀稼軒集用大江東去韻

飲黃鶴樓

秋雨

送別

詠草

春日同南岸覺飲小蘭亭二首

江行雪

東山卽事

送友人北上

溪山放舟

樓居

在野

送友人歸

壽某君

前題

自壽

慶清朝慢

詠菊

九日南岸覺招飲晚香堂

木蘭花慢

晚泊

客館螯尊

九日飲洞庭湖畔

南浦

人日采石

最高樓

湖上

歸來

吾庵

荆扉

夏日

閒情

詠竹

舟行漫興

贈祝

山寺夜坐

贈祝

北途曉發

秋夜

九日途次

冬夜

詠竹

旅行

餞送

留別

幽居

風入松

永城道中

清明

九日雨花臺二首
閒情

客舍雨

重陽前一日滁州道中

山中

青陽道上望九華山雲蔽二首

寒夜客友人園

眼前

過彭澤

然理庵

看山

本調

持願

長至南陵道上

賞菊

登攝山

晚行

婆羅門引

客況

途次

新荷葉

詠桃花

金人捧露盤

初夏

百媚娘

冬日卽事

剔銀燈

秋夕

驀山溪

人日

千秋歲

夏景次謝無逸

御街行

訪隱

何滿子

春日

一叢花

送別

桃園春飲

秋泛

卷五

鵲橋仙

七夕日

七夕

中秋

壽某隱居

雲松巢二首

見山中雪屋

咏梅影三首

人日對友客舍

贈祝

飲秋月下

山行

喫茶

贈祝

春日

某上人房

送別

南山

某君五十初度

將至彭澤

有感

元夕客舍

爲友人壽

前題

踏莎行

湖堤晚步

掩扉

秋江旅夜

九日秦淮泛舟

瓶中殘菊數枝

和友人韻

九日某君詩未成戲嘲

買得石竹花數盆

秋夕卽事

對雪

持舊書賣者

鷓鴣天

朱希真鷓鴣天一闕俞光祿容自步韻
八闕每用原詞一句余爲效顰

春日

落花

春暮

雨過

漫興

雲松巢

元日

秋夕

小齋

詠菊

清涼山

客過

初夏

蝶戀花

春日

本調

壽友人

和友人韻

人日立春七首

南鄉子

楓門嶺

旅況

秋夜

落花

旅宿

春暮

秋日爲友人壽

途雨

春日

道上有感

無題二首

臘日晴

途次

連理枝

晚炤

蟬噪

倦馬

野鳥

病僕

秋夕

旅況

搖艇

無題

元日

祝友

羣岫

秋卉

老屋

綠壯

拄杖

錦纏道

冬日卽事四首

卷六

臨江仙

送友人春試

秋日

幽居

詠梅

懷友

春日送別

贈祝

野情

出門

除夕

湖上

閉門

途雪三首

壽某翁

冬事

送別

赤石磯泛舟

贈祝

前題

清明

秋日山居

小憇

田家

竹下

九日菊

小園

和友人韻

秋旅二首

玉樓春

九日十首

山行

卽事

秋日山中

初夏

江行

和韻

春盡

暑中

和韻

卽事

浪淘沙

舟行雪

舟中

春暮

庭樹

詠菊二首

和友人韻

詠雪二首

暮行

小暑

野老家

驛館夜坐二首

詠菊二首

除夕客舍

夜話

青玉案

暑行

天仙子

次韻作

感皇恩

雨過

祝友

夏日

過天界寺

月夜宿半峰庵

途次

春色

立秋日

除夕

祝友

永夜

青杏兒

惜花

漁家傲

桃源洞

秦淮

唐多令

次韻作

汭澗陳氏園亭

卽事

杏花天

本調次稼軒韻

風中柳

芭蕉

卷七

虞美人

泉邊

夏景

偶成

秋征

春夜對友

入山

對茶

晚村

漫興

步蟾宮

初春

友人秋試

宿處二首

春遊

戲爲兒鐵柱

詠白香齋

村行

送友人還里

山居九日

夜行大雪二首

咏桂花

醉落魄

客過

繫裙腰

次韻作

定風波

春日

舟行

無題

春在

拍拍

夏日

秋杪

水邊

九日登山四首

栽梅

平野

小檐

雲山

淮上

卽事

無題

夕泛

登樓作

卽事

春暮

初夏泛舟秦淮

淮清橋步月

牡丹

亭上

元日

江樓旅宿

蘇幕遮

夜吟

江城子

九日

一剪梅

旅夜

閒適三首

春晚

途次有懷

行香子

卽事

過某君書齋贈

江月晃重山

三月

小重山

立秋

曉發

十拍子

詠李花二首

漫興二首

菩薩蠻

詠菊六首

夜雨滴空階

秋郊

除夜守歲

無題

送春

客維揚

登濟寧太白酒樓

閒情

途次

旅夜

酌月

肥鄉曉行

山中

梨花怨三首

阮郎歸

春盡

送別

春陰

登牛首山

泛舟秦淮

長至日客中曉起

題枰酒聽鸚處

送春

對雪

送友人歸

閒來

歸興

春遊

秋日某上人房

送別

春風

途次

途次有懷二首

睡起

孤巖

登清涼山懷友

客至

舟次

醜奴兒令

醉成四首

友人八十初度

七十初度

無題

九日四望亭

舟中

春日

秋旅

漫興三首

蟬殼

漫成

對酒

上巳

和友人韻

青衫濕

邀笛閣偶成

憶秦娥

飲梨花下

朝中措

對友

喜遷鶯

落葉

訴衷情

來日清明

一宿

玉聯環

無題三首

秋容

卷八

卜算子

雲山漫興

住山將別僧歸

夜眠聞雪

某君畫桂花戲作

又畫雞冠花間鴈來紅葉

畫石榴花

畫蘭

偶以錢市線

九日旅中

對酒有懷

對菊

細菊數本白色盛放尤佳時已十月

壽某隱居

小齋冬日

嶺上

春曉卽事

漫興次稼軒六闕

長至蒲圻道中二首

齋懸寒江獨釣圖

春江疊嶂圖

瓶梅

讀陶詩拈句爲賦得三十四首

武陵春

旅夜

清涼山

友人初度

晚行二首

偶成

除夕

元日

尋梅

暑行有值

舟夜

田家

醉成二首

江畔

春暮

醉公子

夏日雨餘

春夜醉歸

除夕

元夕

夜坐

次韻

秋泛

祝友

前題

飲梨花下

秋山晚眺

登高

還山

春霽

遲菊

北行

漁父

贈祝

雪

賣花人

送別

旅夜

枕上

雨過

籬菊

盆菊

誤佳期

次韻作二首

太常引

贈祝

謁金門

秋日

九日

南柯子

途宿

山花子

無題二首

醉鄉春

對酒

賀聖朝影

春盡

卷九

清平樂

秋日題雪夜泛舟圖二首

題陳橫厓畫菊二首

橫厓畫竹二首

看某君畫黃菊

上巳聞鶯

竟日

金陵六十韻

洛陽春

卽事

一榻

南陌

絲瓜

扁豆

葫蘆

旅夜

卽事

山果

花下

夾竹桃

漁父

迎春日

旅况

日落

春夕

祝友

舟行

友人舉子

送別

池月

祝友

秋日

石壁

卽事

秋盡

祝友

祝某母

卷十

浣溪沙

避暑山中大雨

春日獨坐

對花命酌

舟中二首

偶成

清明郊行

詠白牡丹

無題

過古林庵二首

登山

嘆荒

和友人韻二首

春日

春曉

春雨

和韻

雪

舟夜

送春

杪秋客舍

和韻

玉樹後庭花

春盡二首

草閣書事

住山

旅懷

秋夕

某上人房

贈祝

溪上

九日雨花臺

松下

旅夜

西江月

長干春遊

喫鮓

秋夕

水宿

送春

清明

春日

道上有感

河豚

漫興

喫笋

小園

山居

九日

舟中

小屋

旅夜

減字木蘭花

詠海棠

無題

夢句

秋來

折桂贈秋試友

詠茶蘼

暑行

送別

贈祝六首

渡洞庭湖

賣花聲

鬪草

九日簪菊

少年遊

無題二首

桃源憶故人

秋日

海棠春

紅葉

江上有懷

雪消

卷十一

長相思

春暮

秋夜

嘆迷

本調六首

點絳脣

散步

秋佳軒

澹靜草堂

索笑檐

和韻

卽事

秋日

一痕沙

閉門

到眼

可怪

日午

客中

入戶

九日

訪畫者值臥

前路

花間

閒釣

河閒道上

野水

客行

四明

九日清涼寺

生查子

春

夏

秋

冬

無題四首

好事近

九月一日

九日

寺遊

鶯

燕

蜂

蝶

蛙

蟬

螢

蛩

北途

古渡

清明

無題

凍硯

過田間

九日二首

題畫

春盡

卽事

鳥夜啼

卽事

春日睡起

閒適

酒家

秋巖

醉歸

無題

春日

旅況

無題

小窻

相逢

旅行

雲泉

門前

草廬

草堂

杜鵑

本調

嘗思

無題二首

應天長

秋景二首

雪

清明前一日

春遊二首

柳枝

和韻二首

畫堂春

小春

霜天曉角

曉發

秋泛

旅况

春日

七夕

柳梢青

登高

憶餘杭

宿公安

某上人房

醉花陰

寺遊

次韻

本調

中秋

元夕宴集

卷簾

卽事

無題

春日

元夕

清明四首

湖上

旅夜

舟夜

舟中二首

祝友

贈友

清江

嘲俗

韻客

雪後

窻間

江夜

秋夕

南唐浣溪沙

春日

月中行

秦淮步月

女冠子

詠梅

眼兒媚

泉邊

醉太平

送春

巫山一段雲

冬夜

調笑令

桃葉渡

春曉

秋月

銀燭

杜宇

夜雨

底樣

織指

砧杵

蟋蟀

紅葉

淮上

夢見

本調三首

如夢令

秋日

道上

寓燕戲句

春遊

夢江南

本調三首

乾荷葉

卽事

十六字令

無題二首

眠去柳三首

卷十二

秦淮竹枝詞一百三十首

秋佳軒詩餘目錄

秋佳軒詩餘卷一

金陵易震吉月槎著

濮水南洙源岸覺點

沁園春

卽事

我望危峰也。解難攀。恒欲就之。況松憑石嘴。煙
嵐絕淡。花零水面。文字尤奇。傳世荷衣。起家林
壑。割據鴈鷗一半枝。雖如此。還慎言節食。讀易

觀願。○推敲手裏何爲。是獨立蒼茫自詠詩。念
友。麤臭味。每偕雲結。力田科目。併畏人知。身放
心遐。利蠲名謝。要使雙眉似紫芝。埋藏了。只柴
門風月。每夕收支。

送山人南還

我見君歸。頓覺吾儕風韻衰些。計元携竹篋。仍
裝老蠹。曾題店壁。猶結乾蝸。鄉信迎鞭。京塵畱
帽。黃徧深秋。一路花從茲去。把作詩心事。不用。

思家。○吮毫濡墨。生涯喜旅食。年來髣髴未華看。
南雲無繫。空飛片縷。西吹剛惡。草歛纖芽。命酒
澆寒。橫琴破寂。珍重前途飯與茶。君真樂。漸行
游水國。卸馬乘槎。

詠竹

我不栽君。俗了平生。謂之何哉。愛深春烟暖。新
梢絕趣。去冬雪覆。暗笋曾胎。宿土封寒。蒼苔露
角。還要山頭二月雷。幽軒小。這蕭蕭十個。雨後

移來。○遙因蔣詡爲媒。便分惠清風到草萊。許
明蟾伸引。千尋流影。高賢灑落。七位傳杯。嬾散
家翁。奚奴任睡。密葉低搖。代拂埃。成林易看。明
年蒼雪。園徑成堆。

冶城卜築

勝境隨人。到處堪畱。因得吾廬。便忙移舊處。隱
囊欹案。還兼幾件。竹杖籃輿。山未甚佳。雲何嘗
乏。儘可終朝伴着余。高樓好。傍長松架起也。學

仙居。○飄飄身世凌虛。問吳冶。千年在否。歎想
欲填溝壑。杜陵能放。頓拋禮法。阮籍常疎。匣劍
雖存。不平安在。霜刃寧須對客噓。登臨處。喜陵
嶒鍾阜。一覽無餘。

春遊

雙屐隨身。一月無停。下山上山。喜嬌花軟柳。丰
姿別樣。輕陰薄霽。天氣多般。九十春光。算來能
幾。貧者恒憂富者慳。誰如我。每借杯村酒。紅了

衰顏。○溪頭木日潺湲。看白鳥飛迴。意自閒。把
時賢未見書還抄錄。俗人爭作事。竟除刪。晝莫
虛過。夢須勤做。酣卧六朝煙草間。蛙驚醒。正碧
雲半朶。襯月新彎。

釋悶

客過溪頭。少選東山。月出皎兮。恰秋郊亂點蒼
苔赤葉。寒厨聊薦。白酒黃雞。不待三聲。教人腸
斷。衰樹玄猿獨坐啼。村童笑。任狂歌拍手。此老

如泥。○英雄壯志徒齎。更登甚青雲百丈梯。嘆
中華世界。更驕虜騎。下霜時節。風動軍聲。磊隗
填胷。唾壺擊碎。吾氣猶能化作霓。崢嶸甚。是巖
巖松栢。肯問蒿藜。

園林漫興

佳石都移。佳卉都栽。責備求全。旣心曾游衍。莊
周物外。身今來到。范蠡湖邊。茶竈筆牀。隱囊紗
帽。消受蒼茫一派烟。新篁嫩。恰纔經曉雨。我見

猶憐○。偶然心事微率。斯豈爲吾家婚嫁焉。被
藤梢纏了。三條幽徑。杖端缺着。百箇青錢。險覓
無詩。風慳月悶。黃鶴樓應撞幾拳。鱗魚網。看齊
張江上。日又如年。

苦雨

彌月淫霖。漏盡天慳。煉石無媧。恨呢喃杳杳。梁
巢待葺。官私閣閣。池鼓轟撾。野馬身閒。金烏足
斷。窻隙晨光一段差。雲渾黑。要漫開萍藻。爛死

桑麻。○頽牆老壁苔遮。更篆上新涎數十蝸。這
濕巾角折。爐熏枉費腐桐絲潤。山響蛛踪抱膝。
偎氈。抑愁敲句。甚日園林曬落花。真岑寂。併牽
春蛛網。嬾結簷牙。

上元

擁萬朶蓮。燒千丈霞紅了。今宵有金釵列坐。鬧
春蛾顫玉缸。賒醉騁夜驄。驕風扇微和。藻池水
泮。歌笑聲中。雜管簫都高掛。愛剗枰鏤橘。巧着

蘭膏。○飛觴滿飲蒲萄。漸陌柳含煙弄舞腰。喜
瓦畱殘慘。斜窺火樹。天懸孤鑑。正射星橋。雪月
和燈光。播赤白花市。濃香上徹霄。尤清妙。見橫
窗瘦影。詩興軒豪。

詠十四樓

漢書五城十二樓。僊人居也。詩家用之。東坡
遊人都上十三樓。不羨竹西歌吹古揚州。用
杜牧詩。婷婷嫋嫋十三餘之句也。永樂中。晏
振之金陵春夕詩。花月春江十四樓。罕有知
者。洪武中建來賓重譯清江石城。鶴鳴醉僊
樂民集。賢謳歌鼓腹。輕煙淡粉。梅塢柳翠。於

金陵以處官妓十四樓名焉詠之

來賓

紅爛晨暉恰射鵷班。還映金鋪。看山川圍了鳳凰高阜。風雲護着。龍虎神都。萬國胥馳。九天真近。聖澤沾人潤若酥。無先後。甫通明端拱。羣效嵩呼。○應知處寡稱孤。更大度。包荒德誕敷。想車書雜沓。元趨王會。智謀疊見。却佐雄圖。服舜衣裳。宗周禮樂。第一功歸力掃。聲如沸。是謳

童頌叟塞巷填塗。

重譯

大海迴瀾三載不揚。日有聖人。更卿雲麗旭。且
而復旦。島夷卉服。春則俱春。望歲占風。寬徭識
政。不是梯山。卽問津龍。蟠地恰明。廷饗質率土
稱臣。○乾坤氣轉鴻鈞。聽鳴玉朝來散紫宸。喜
越裳窮壤。遙通馭舌。蓬萊正殿。雄壓鰲身。一片
石頭。千尋鍾阜。徧布桑麻。雨露新還。堪笑笑扶

南迷路。乞賜車輪。

清江

妾住江頭。清可掬。今惟月與風。夫風如無意。胡
來水上。月應有恨。常碎波中。日晚江南望將江
北。似隔芙蓉路不通。嬌歌處。待周郎頻顧。換羽
移宮。○蕭蕭葉下霜楓。每倦理雲鬟。立檻東。憶
長堤柳發。千絲弄碧。綺園花謝。萬點飄紅。轉眼
秋深。淨真如練。韶徹高天。乍度鴻。輕帆過。偶臨

流微步。爭美鞋弓。

石城

虎踞奇形。映着鍾陵佳氣。蔥蔥宛晉朝人物。飄
流文采。吳宮花卉。蔓綠妖紅。一帶江流。千門烟
樹。都入登高四望中。懽無盡。數鳳凰燕子。牛首
雞籠。○泱泱天外如虹。洗不壞。崔嵬片石雄。甚
周遭山色。猶圍國在。喧闐潮勢。尚打城空。燠館
涼臺。歌嬌舞艷。少婦盧家曲未終。興亡事。莫淒

其感舊。須付飄風。

鶴鳴

陡舉清音。非竹非絲。明月天高。想金衣春樹。嬌
喉迭換。紅襟曉幙。辨舌徒勞。誰似松間。令人傾
聽。贊助長飈。響怒濤。瓊樓上看。映燈朱頂。色勝
櫻桃。○雲霄萬里游翺。忽瘦石相依。刷羽毛。解
酒人酣後。驚回醉夢。詩情澁處。鼓吹風騷。十萬
腰纏。騎伊背上。還向揚州去。一遭金陵好。似天

將佳景付與吾曹。

醉仙

一詠一觴。大快平生。觴更時拈。蓋觴中之物。青
州綠蟻。觴中之理。釋縛融黏。子美曾將酒人八
个。銓次爲歌品。定嚴却都道。彼超然羽化。渺渺
峰尖。○猶聞河朔杯添。併可避當空暑日炎。念
十州三島。無非放浪。淺斟劇飲。若個安恬。卽此
登仙。寧須學道。不放香醪似蜜甜。床頭竭有金

陵千斛。柳外搖帘。

樂民

多少人家。紫氣中間。自古皇州。記無懷世界。勿
令他喜。如春時候。誰見些秋。林茂禽嬉。水深縈
縱。況復含哺鼓腹。儔尤佳麗。有凝笳高蓋。疊鼓
華輶。○金戈鐵騎。休休。便祀國而今也不憂。看
三山二水。風和碧映。杏村桃塢。日暖紅稠。載迂
南薰。秦淮薦爽。畫舫中流出妙謳。相懽極。把十

千兌酒沈醉青樓。

集賢

磊落衣冠門外驄停。寶轡搖金正西園。暖雨。忙
催葩綯。東隣芳樹。漸迂蟾臨。酒俠攢星。騷才織
錦。個個狂追李翰林。紅樓小。愛垂簷柳色。畱住
嬌禽。○名姬駿馬娛心。笑老杜多年冷布衾。看
蘭膏影裏。泥人噓管。龍涎烟際。寫怨張琴。花露
香飛。羅衫宵染。相傍幾忘玉漏深。明朝起。逐豪

蜂。酣。蝶。再。把。春。尋。

謳歌

粧點太平。着我無妨。且聽謳歌。但村腔野調。懽
聲信口。塗童巷叟。亂鼓撾毬。斗米三錢。千金一
刻。春到江南。樂事多。風光好。有吳姬喚客。不飲
如何。○芳罇綠湛微波。每醉後歸來。倩馬馱。況
晚衢喧雜。烏鹽白苧。畫船新載。小扇輕羅。兵氣
從今銷爲日月。壯士寧須更挽河。逢農圃。見犂

鋤喜動。安問催科。

鼓腹

千萬倉箱。狼籍雞豚。嬉且游哉。按義皇八卦。惟
坤爲腹。含弘光大。一飽恢恢。豐歲頻仍。加餐高
臥。邊老便便。未足推猶。龍氏道熙熙。衆庶共陟
春臺。○四橫掃飛灰。看帝里鍾山王氣開。值
堯天舜日。五風十雨。耕田鑿井。有耦無猜。我欲
登樓。狂呼孫楚。聽玉簫傾倒金盃。真成夢。歎平

康月冷。城角聲哀。

輕烟

楊柳樓頭。嫋嫋牽情。可是烟兒想如眉如面。堪
稱絕色。飛來飛去。難定妖姿。花霧非倫。須臾百
媚。春夢朝雲。自古疑。琉璃脆。築香臺。七寶迴避。
狂吹。念奴嬌果如斯。笑鎖比游絲。罨樹枝。倘
身移芳徑。一鈎樣淺。步凌秋水。雙襪塵隨。傍月
依微。臨風驚怯。愛殺仙郎着意私。還如縷。倩金

針度却。携入羅帷。

淡粉

黃四娘家。萬朶千枝。瞥見荼蘼。怪牡丹稱富。因
多買色。海棠雖好。從不畱詩。月戶風軒。山明水
淨。誰占人間冰雪姿。伊清潤。恰妖紅一點。慘粉
微施。○杭州佳客相遺。便傍着菱花。置放宜笑。
比隣奇醜。東塗西抹。刻求摹肖。平鼻過眉。却羨
多情。聊爲爾耳。上臉春纖。出袖遲須。酣醉有金

杯銀燭。急管青絲。

梅妍

一笑嫣然。我却巡檐。宛在孤山。計玄都紅膩。偏
愁雨打。章臺青鞵。又被人攀。以雪爲神。無花作
態。絕世風情。絕世顏。含章額。只粉香飄下。學盡
宮鬟。○相看塵想。除刪得。幽句宵來。吊影孱。忽
燈昏酒冷。蟾明窻上。霜清風淡。禽咽林間。此際
扶疎。倍加蕭寂。合引流泉到這灣。非虛愛。似揚

州何遜東閣娛閒。

柳翠

墜了珊瑚鞭。玉勒驄驕。却爲誰歟。是道傍春意。苗
條向客。梢頭嫩色。宛轉撩予。九十光含。當先洩
漏。見說章臺是妾居。青青好。喜攀枝在手。肯落
伊渠。○風流畢竟何如。莫更比村中那冷樗。宛
太真眉黛。畫來非偶。小蠻腰際。舞困方疎。索得
春饒。還將絲綰。一段烟姿。二月初。豪奢甚。集五

陵年少。綺袖華裾。

與友人酌

說月論風。一縱一橫。誰敢當哉。況胡床穩據。偃
花靠竹。角巾斜戴。熱耳醺顚。愁築堅城。傾杯潑
倒。快似揮刀。斫怒雷。君高興。莫空看余醉。請進
村醪。○衣冠老子曾陪。悔悞闔塵寰。總不該想
療饑芝秀。南山歌皓。娛閒堂闢。綠野題裴。簡閱
群書。甚辭堪讀。只有淵明歸去來。吟情好。俟詰

朝杖底帶去敲推。

幽居

城市人來話說周遮。未解何云。我尋錢不費。坐
邀明月。千峰相對。酣臥閒雲。古硯塵封。清池手
浣。作字忻摹王右軍。沈煙裊。向案頭開帙。欣賞
奇文。○聲名舉世無聞。有數畝煙霞。力勸耘。况
花經晚雨。都齊獻笑。杯臨幽草。更細生芬。俗態
牽人。可能銷盡。畢竟心宜僻。此君扶鳩杖。看風

梭織水無限波紋。

上元舟次

魚侶鷗朋水聲山影。奇哉此行。憶六街燈火。杭
皮滇料。兩行姝麗。翠管銀箏。風景堪誇。迴思亦
俗。埋沒平生江海情。粘天浪好。乘風衝破。蛟遁
鼉驚。○問余戛戛何聲。是擊楫中流。誓再清。忽
冰輪湧出。閒雲都盡。海神歸去。怒吹方平。寶炬
孤懸。水晶宮闕。光比中秋分外明。春寒淺。漸味

嘗新韭。韻聽雛鶯。

景韓堂自壽

堂景韓公。吏隱容余。真佳境哉。忽重陽節後。黃
花香遍。今朝天外。紫氣飛來。竹韻松姿。迎霜清
健。道是先生壽。讌開衙齋。爽許官閒。一日鶴舞
千回。○尊鱸鄉思徘徊。且暫立風前。把句裁。想
莊椿漫說。八千年久。杜陵迴憶。十五心孩。物縱
羸人老。當益壯。屋角雙輪。莫浪催。今宵月映龍

鐔英鋸。須罄樽壘。

過陶靖節故里

仕宦古今折盡腰肢。誰似先生記南村卜寓。抗
言談昔。東籬采菊。泛酒怡情。媿我過時。郵程匆
迫。暫在柴桑境裏。行傷懷處。是五株湮沒。三徑
榛荆。○焉知靖節畱名原。只愛荒疇數畝耕。但
葛巾覆頂。杯偏有物。素琴橫膝。絃却無聲。歸去
來兮。投簪宜早。莫負江湖鷗鷺盟。還堪笑笑白。

頭貪秩體病眸盲。

詠晚香堂

徙倚虛堂吟晚香詩。幽徑流馨。怪濂溪周子情。
鍾浮艷。孤山處士愛。饒寒英。籬畔徘徊。評量花
事。誰占西風九日清。是花也。似將披金甲。與敵
雄爭。○任他霜氣縱橫。便戰退嚴威。四五更。況
色之正者。惟黃可貴。器之大者。至晚方成。烟帶
霞裳。杪秋孤對。桑落須教手自傾。誰題詠。記當

年臚唱。五色雲生。

賀新郎

春暮

心事爲春使。甫迎來。花底盤桓。匆匆已去矣。可笑
癡蜂穿徑覓。不解成功之理。還下麒麟草。茵乾藎。
詩酒誰云強弩末。追飄零。敏捷仙人。子蛙甫叫。
池塘裏。○登山屐歇。尋芳齒。憶東君。欲寄相思。
戲裁一紙。千樹列溪紅色暗。只柳絮如狂耳。又

強半沾泥溺水。有箇人兒樓上恨。把纖腰頻向
闌干倚。看恨態嬌無已。

春日

春草標吾社。恰東君。寵柳酲花。一時新也。熟讀
離騷還痛飲。便可稱爲名下。肯放了風杯月俎。
燕舌鶯喉無限韻。貯幽情萬斛。隨他惹。開口笑。
而今且。○烟雲如構。遙岑廈。是何人在廈之中。
神閒趣灑。千古一狂夫子歎。渠只道暮春者。行

樂處同人于野。童冠至今仍滿日。問誰能躍出塵勞冶。君請解榮華假。

閒情

戴笠者誰子。是三山二水中間。月槎居士還有剩山殘水趣。人每棄之於彼。余得不收之於此。自斷行藏天莫問。問將來天只無言耳。生計定桑麻里。○秋林已掛垂垂柿。要看紅須霜細染。且從容俟野菊聊栽荒徑曲。奚取誇多鬪靡曾。

勾引淵明致仕。醉筆楚江。幾藤盡。但頻批借月。
支風紙。天下事。爾爲爾。

其二

八九根椽子。自藏身。半耕半讀。非農非士。朝市
雲林分兩種。吾不以此易彼。料彼亦決難易此。
野性但知天地闊。挾清風。掉臂游行耳。松與竹。
爲鄰里。○中間雜植橙和柿。到秋來。每呼山客。
一樽相俟。勇退急流。尋退趣。肯使煙霞興靡。便

三已渾如三仕。題詠多多雖益辦。幸并蕉造就。
無錢紙。翻覆手。都憑爾。

社集

小集諸君子。問誰堪。一軍驚倒。作登壇士。搖嶽
興酣都落筆。肯把津梁問彼。快萬古風騷在此。
山水清音隨口瀉。正無須苦嘔心肝耳。直下視。
巴人里。○池荷初老。肥園柿。葉飄紅。滿庭詩景。
向杯頭俟。李杜齊名真忝竊。只有陶潛起靡。眈

醉詠歸來不仕。最愛平疇交遠句。學坡仙書遍。
臨池紙鬚已斷。吾看爾。

春暮

佳醞無心喫。買花錢賣文博得。費多奚益。風雨
五更頭不住。可歎西施葬訖。見幾箇蜂酸蝶戚。
九十韶光寧寸晷。憶前時尚有三之一。忽忽底。
成陳迹。○長堤楊柳栽來密。絮飛完。麥秋踵至。
倉庚口吃。老子風流仍吐納。羯鼓轟然亂擊。任。

爾把狂奴痛斥。駿馬名姬行樂慣。肯輕嘗杜甫
殘杯炙。荷尚幼。池添碧。

曉窻內聞新篁露灑

耳畔澄餘滓。數年來。塵腸俗胃。亦俱空矣。爾乃
放梢天亂刺。枝上微抽葉子。仍半碧半黃而已。
遠韻夜間風做弄。下藤牀。三兩聲如雨。公請勿
將風比。○手持輕櫛。心私喜。喜金莖高承霄漢。
俯分濃美。晴炤東臨乾。甚易。但願羲輪慢起。暫

拉住小窓清氣。莫道吾君丰致嫩。計今秋傲雪。
凌霜始。吾舊有求羊侶。

送友人之令

氣節千秋暢。硬如弓。元亮之腰。董宣之項。二令
無過知邑事。倘遇巨源程量。料治行也應居上。
百鍊祇今成繞指。豈當仁仍把師謙讓。吾不俯。
世皆仰。○諸公碌碌他人傍。數年間。可痛民脂。
半疲師餉。不信。終夜朗。何故彎弓南向待。

日月銷兵難望。天下安危多注意。願使君爲將
兼爲相。此去破長風浪。

秋日山中

笑我柳瓢缺。酌巖泉。所需惟汝。歷多年月。回首
息機閒。且澹斷了門前書牋。時夢見那陶彭澤。
扶杖一身渾老態。到山南更往山之北。沿路聽
幽禽舌。○醉鄉廣大入間窄。覷鄰缸。欣隨茂世。
公然行竊。近愛秋光堪入畫。兩岸蘆花如雪。却

又聞丹楓如血。因見茱萸思去歲。併忘懷明日。
重陽節。辦巨蟹。邀佳客。

送別

天地誰非客。怪君侯。今朝作了。客中之客。客送
客。今天地笑。笑道人生輕別。塵世裏無多日月。
須信在家貧亦好。便離家沒有驅貧策。諸苦趣。
尤難說。○故山囊飽山雲白。倘攜將。不堪相贈。
倩誰交結。卿相立談如可取。看爾風生俊舌。怕

旅食京華愁切。古道六花寒撲面。喜芳梅一樹
心如鐵。待我抗袁安節。

六友詞

歲晚欣三友。是香山多情閨出。北窻三友。六者
論交他各善。松竹梅琴詩酒。老子欲與之聊厚。
今日旣盟歸于好。暑寒時共爾長相守。除此外。
皆塵垢。○詎同蒲柳先衰朽。受秦封子猷酷愛。
林逋儕偶。綠綺紫瓊俱絕妙。風月囊中數首。更

甚事如杯在手。着我無妨呼六一。但難追永叔。
先生後。千古志。吾誠有。

自樂天以詩酒琴爲三友。曰昨日北窻下。自
問何所爲。所親惟三友。三友者。爲誰。琴罷輒
飲酒。酒罷輒吟詩。三友遞相引。循環無已時。

雲松巢

峰際安茆舍。問窻前。鱗角參天。是誰栽者。封爾
大夫應受矣。處士七株瀟灑。山中相清風。夢夜。
千古歲寒然後句。得宣尼評論高聲價。蒼復翠。

無冬夏。○遙看出岫情。○休暇忽與君。○梢際相和。
更穿枝下。○風掃月移。○全不問來去。○寸絲無挂。○端
的。○未堪持贈也。○怡悅朝朝。○惟獨自。○任脫巾露頂。
揮盃。○畢定此地。○開詩社。

風流子

荒庭

紅塵飛不到。○藏踪處。○天地一荒庭。○每窻竹敲風。
夜談鄰友。○畦蔬着雨。○曉課園丁。○恣遊玩。○壓枝千

百朶。酌酒兩三瓶。煙柳橋邊。聽鶯鼓舌。雲松巢
畔。看鶴梳翎。○自從歸隱後。遲山中歲月。草就
玄經。翻喜無人問字。蓬戶長扃。但閒煮新泉。芳
煙結翠。高吟斜照。遠岫開屏。總把機心機事。付
與滄溟。

一萼紅

小籬

小籬芳。是秋英枝上。冒雨破重陽。記得詩中。綠

衣黃裏。佳句依約相當。色相自金天墜下。恰昨夜白露也爲霜。招引那人。携壺送酒。三徑何荒。
○相與非騷則飲。看題餽輟筆。落帽飛觴。柳嫩春初。葵傾秋早。姿容畢竟君強。生成傲殘時枝葉。偕葭華一樣老蒼蒼。堪羨折腰未肯歸去。徜徉。

落花

好春工。將花枝細繡。託付與柔風。燕嘴爭嘶。蜂

鬢頻攪。惱亂幾樹嬌紅。雨雨乍晴晴。又雨拋血
淚。暗濕錦香中。一事驚傳。把西施。葬恨。疊愁叢。
○杖掛百錢。何用斷遊芳。纖趾繫柳華。驄檀板
停敲。金尊慵勸。如泥應讓山翁。殊難遣。日長夢
短。問片片怎學我。飄蓬。猶怕月尋舊影。深閉簾
櫳。

綠頭鴨

山中

白雲堆。山中千仞崔嵬。猛回頭。將身闖入。十年
舊事如灰。東風倦老紅辭蝶。西園滑嫩碧鋪苔。
佳趣不常。俗人能殺。燒琴烹鶴可嗤哉。如許輩。
倘然尋訪。只合閉門推。知心友。彈宜石上。舞傍
松隈。○小蓬萊。而今喚作黃塵。那得吹來。筇徐
曳。水窮烟起。機剛動。鷺訝鷗猜。坦性娛閒。疎胸
貯醉。飲乾東海亂飛埃。王猷道。無筠不可。連日
覓君栽。清和逼。麥畦秋了。又熟溪梅。

旅懷

月舒眉。張郎筆意難施。好分光。炤余竹几。蕭蕭孤坐。書帷爐兒裏。淡香俱著。杯兒裏。薄酒勾詩。湖海十年。乾坤雙鬢。頻看青鏡。使人悲。親朋字。迷鴻失路。何處寄相思。躊躇久。鐘聲催漏。梅影搖枝。○恰颼颼。草堂安在。破窻無紙。淒其歸鞭。整寧慚彭澤。扁舟駕。便號鴟夷。旅食驚心。空談誤國。高哉蘿薜紱簪卑。斟量定。天涯多病。休更

久支離。今宵燭淚。須閣起。莫似昨垂。

舟中

老狂夫。堪嗤隻手豪麤。擊將來。祖生之楫。尤兼
處仲之壺。飽仙字。空餘脉望。垂枵橐。羞問青蚨。
快鏐飛霜。酣毫搖岳。百年踪跡半江湖。春波染。
鴨頭綠了。昨夜雨如酥。聲相應。野漁閒唱。沙鳥
遙呼。○縱然無長鬚。赤足伴身。月婢風奴。晴煙
惹香芹嫩葦。峰巒挂淡墨佳圖。日暮懷人。雲遮

失樹。篷窗一曲。夔桐孤。隨流水。知音難覓。調覺
與時殊。鷗還疾。吹帆萬里。不是窮途。

兩峰

過餘生。掃除白髮黃精。歎從前。通盤濶局。寧須
說負論贏。自拋去。塵容俗狀。增多少。霜氣風情。
北岳移文。東山携妓。先生一笑。兩峰橫。蓬門柳。
做將春態。宛轉解畱鶯。心無事。香焚柏子。味薦
藜羹。○洗星泓。池萍欲黑。一方佳石。新坑嫺書。

法。毫。追。逸。少。牽。吟。興。句。擬。陰。鏗。憑。弔。千。秋。徘徊。
二。叟。長。沮。桀。溺。耦。而。耕。沙。田。裏。雲。煙。萬。疊。藏。着。
野。泉。行。西。溪。碧。水。紋。風。皺。小。艇。還。撐。

春從天上來

來日立夏

又是年時。看落盡楊花。蝶駭鶯疑。萱將鍊色。榴
漸燃枝。萬絲如許。肥癡把蟬糧。辦下傳曉露。聽
彼收支。小園林。恰雲眠幽石。篠媚清漪。○從前

艷陽天氣。算一派柔風。廿四番吹。人自生愁。景
難長駐。休惜沈醉金卮。這青梅要熟。紗窗雨應
弄絲絲。覺心怡。且新詞書扇。野服裁絺。

春雲怨

紅葉

妖魂二月到。而今寒近。依然未滅。萬斛臙脂貯
久。覓向故枝施不得。春去半年。霜飛千樹。冷落
吳江烏柏葉。染上些須塗成片段。鴻鴈江頭咽。

○西風幻作東風色。正深宮流水。對人清冽。詩
句慙慙嬌影。子。恰映黃花時點。青苔倚闌愁絕。
昨日重陽。林間煮酒。可惜燒殘絳雪。

鳳凰臺上憶吹簫

雪行

長耳衝寒。瘦蹄持滑。溪橋行過詩翁。恰一團亂
舞。幾陣迴風。只有老梅高甚。偕臥客。僵在山中。
吟成了。便教凍死。佳句清空。○融融茶烟僧舍。

見松柴吹火也。擁爐紅。歎歲將云畢。囊更添窮。
極目黃雲千里。迷塞鴈。冥沒西東。新愁劇。須尋
酒家。聊借杯攻。

歸朝歡

山中卽事

剩水殘山兼破屋。天地之間無不足。先生喫飽
更何爲。敲門去看鄰家竹。籬邊還有菊。一叢黃
吐千竿綠。翁高哉。縱然瘦了。那得絲毫俗。○畢

竟芳蘭藏野谷。不以無人而不馥。無人幽境豈
無雲。白衣蒼狗時相逐。吾歌採芝曲。商山四皓
來心目。且傾壺。酒酣耳熱。要喚西風撲。

草閣

草閣看花傾濁酒。萬事無如杯在手。十年舊事
漫沈吟。舉杯不見平生友。衡門深閉久。水雲中
吠人家狗。遶吾廬。周遭野色。可笑全爲柳。○日
糴太倉惟半斗。儒術於吾真沒有。螢曾照讀幾

行書。蠹能食字千年壽。空山新雨後。土堦堆起
苔痕厚。偶扶筇。兩三麋鹿相伴溪邊走。

送友

江上孤舟輕似夢。今日別君携酒送。載將客子
渡長波。舟中只怕離愁重。野梅餘雪凍。南枝暗
竊春光弄。漫躊躇。風哦月嘯。此事何人共。○記
取小窻詩興動。燈火對床開玉甕。天涯要使草
萋迷。和烟細補蒼苔空。揣摩曾否中。前途萬事

無端訟看君行。晴光鏡裏。一任雲帆縱。

春盡

開到荼蘼花事畢。三月正當三十日。人言此日別風光。風光與我渾相識。自來懷抱逸。高歌縱酒仍登陟。送春歸。把春呼轉。若黯然奚益。○明歲三春須閏一。此事尋思寧可必。眼前無物不宜人。池荷疊翠香初溢。成竿新笋密。湘波簾展清風室。下庭階。含煙怒草。竟拂我雙膝。

仲夏十三日對竹

云是日竹醉

萬物世間渾靡靡。節槩惟君高豎起。爲何經歲
守清齋。今朝一醉泥相似。問君君不語。幽聲應
着門前水。晉唐來從之遊者。六逸七賢耳。○三
友凌冬相比擬。二者恐非其儔矣。後彫終覺欠
虛心。調羹猶帶寒酸氣。萬竿誰道侈疎疎。十个
誰云鄙。客過看。主人不問。省許將迎禮。

是日栽竹

隙地鋤茅剛數尺。甚欲猗猗來手植。幸今不飲
便醺然。一肩倒荷君無識。吾廬添勁碧。相看可
以娛朝夕。計邊傍難容俗物。着幾塊幽石。○俗
物難容俗人亦。若是到來須痛斥。斥他食肉但
求肥。不知倉扁難爲力。笋芽斜復直。兒童戲斲
真堪惜。好從今披襟散髮。聊對林間弈。

是日對竹飲

一醉一月二十九。一醉一年纔一有。今朝兩醉

恰相逢。醉中誰識君爲某。君還知我否。人生此
會良非偶。響珊珊。清風吹弄。或者君醒久。○君
遇當年知己友。曾把心言相對剖。我心不異子
猷心。千迴一日林間走。我歌君亦唱。我嗤君啓
天然口。我眠酣。推君曰去。可怪冥逃手。

漢書龔勝與左將軍公孫祿議事不和。夏侯
常勸之。勝以手推常曰。去。稼軒西江月詞只
疑松動。要來扶。以手推松曰去。

次韻作

羞見枝頭春意闌。天外行雲難入夢。得無錦字
付洪喬。淚痕空爲瑤箋用。燈花占不中。鵲聲檐
底還虛哄。玉搔頭。分明倒插。怪髻兒無縫。○鴛
枕半邊終夜空。抱緊香衾風暗送。爲何在此恁
颼颼。雲帆再不吹他動。紅樓聽馬鞍。伊行着意
憐饑凍。最難擔。近時衫袖。儘有十分重。

九日旅中遣懷

世上功名奔與走。天上須臾衣變狗。轟然一飲

三百杯佳哉。客舍重陽酒。蕭條何所有。黃花共
我爲朋友。折芳枝。相看不舍。香了持螯手。○若
在邑中貪五斗。畢竟門前荒五柳。回頭便屬舊
柴桑。候門稚子徘徊久。先生誠不朽。籬東或可
呼來否。醉須歌。歌還起舞。又把花簪首。

九日登山

向背羣峰爭夕照。中有一峰居最要。似烟似雨
弄遙姿。我心却喜先雲到。涼風頭上掃。未知曾

落遮頭帽。計平生。呼牛呼馬。合聽旁人道。○此
地撫琴兼動操。可令衆山聲若噪。不然寂寞此
佳秋。登臨反以貽山笑。菊花非不妙。今朝苦苦
供吟料。試停杯。兩三新鴈。蘆荻洲前叫。

元日

晴雪松檐掛卯酒。桃李雖春花未有。兒童羅立
小堂前。酣歌一曲清平叟。夜來將歲守。更長燭
皎圓。鑪火喜茲辰。大家添歲不獨先生壽。○綻

玉老梅橫渡口。枝插膽瓶香座右。相傳風俗五
辛盤。就中堪愛柔纖韭。長堤無數柳。一齊天賜
黃金綬。髻雲堆雙雙綵燕。飛入釵頭隄。

同南岸覺登大伾山

四月如秋飛爽氣。村落人喧因麥事。君家指顧
盡幽奇。大伾危坐浮丘侍。鳴琴山縣吏。種花欲
效河陽治。落霞明。太行三尺化作千層翠。○鐘
響未知何處寺。到此令人生隱意。寥寥一衲偶

相逢相談不問余。奚自菰蒲斜炤媚。流泉添滿
清池未酒闌時。南風馬上歸路聞蛙吹。